

Arbatassa in gara pro su tìtulu de “Borgo dei borghi”2024. Campagna comunicativa manna de su Comunu



Ùnica a rapresentare sa Sardigna, Arbatassa est istada seberada tra is 20 tzentros in gara pro sa conchista de su tìtulu de “Borgo dei borghi”2024”, in intro de su programa de Rai3 “Kilimangiaro”. Su Comunu de Tortolì ponet a cambia un'operatzione comunicativa manna: «semus chirchende de fàghere rete, ca s'unione faghet sa fortza».

Vota Arbatax: <https://www.rai.it/borgodeiborghi/Vota-il-tuo-Borgo-dei-Borghi-2024-005e273a-7553-4b74-907b-9c47fe4bb782.html>

Rita Cocco, assessora a sa Cultura, at descritu su pranu de atzione pro interessare totu s'ìsula. «Amus imbiadu una lìtera invitu a totu is istruturas alberghieras, pro ddis pedire de invitare totus is clientes issoro a votare pro Arbatassa. In prus amus notificadu una mail a totus is Prolocos de sa Sardigna, faghende apellu a s'ispiritu

de grupu, una mail a totu is assòtzios isportivos, de voluntariadu e artìsticas de Tortolì, a totu is iscolas superiores de s'ìsula, sotende is istudiantes mannos e is professores a votare cada die finas a s'agabbu de su cuncursu».

B'at tempus finas a su 17 de su mese de martzu pro votare. Su 31 de martzu ddoe at a èssere s'èsitu. Pro isponsorizare Arbatassa, su Comunu est creende fintzas gràficas in formadu 9:16 addatas a is istòrias de Instagram, istòrias de Facebook e istados de WhatsApp. Cada sero in is retes sotziales de su Comunu, a manera de subènnere a totus chi su votu podet èssere imbiadu cada 24 oras, at a èssere publicadu unu messàgiu chi at a contare curiosidade de Arbatassa e at a regordare de votare.

«Amus a imbiare a totu is isportivos printzipales de sa Sardigna e a is iscuadras - agiunghet Cocco - un'invitu privadu pro suportare custu cuncursu in favore sa Sardigna, invitende is sighidores issoro a votare pro Arbatassa a su Borgo dei borghi. Tenimus intenzione de creare unu situ chi ispieghet in manera simple comente votare e sa protzedura pretzisa. In custu situ siat fintzas possibile iscarrigare su materiale videu o gràficu de ispartzinare is istòrias».

<https://www.rai.it/borgodeiborghi/Vota-il-tuo-Borgo-dei-Borghi-2024-005e273a-7553-4b74-907b-9c47fe4bb782.html>